

‘শেখ হাসিনার বারতা
নারী পুরুষ সমতা’

গণপ্রজাতন্ত্রী বাংলাদেশ সরকার
মহিলা ও শিশু বিষয়ক মন্ত্রণালয়
আইন শাখা
বাংলাদেশ সচিবালয়, ঢাকা।
www.mowca.gov.bd



বিষয়ঃ ‘জয়িতা ফাউন্ডেশন আইন, ২০২২’ (খসড়া) এর উপর অনুষ্ঠিত আহ্বায়ক কমিটির ১ম সভার কার্যবিবরণী।

সভাপতি : মোঃ মুহিবুজ্জামান, অতিরিক্ত সচিব (শিশু ও সমৰ্থ) ও আহ্বায়ক, জয়িতা ফাউন্ডেশন আইন, ২০২২ (খসড়া) প্রণয়ন সম্পর্কিত আহ্বায়ক কমিটি, মহিলা ও শিশু বিষয়ক মন্ত্রণালয়

তারিখ ও সময় : ২৬.০১.২০২২ খ্রি; সকাল ১০:০০ ঘটিকা

সভার স্থান : সভাকক্ষ, মহিলা ও শিশু বিষয়ক মন্ত্রণালয়

সভায় উপস্থিত সদস্যবৃন্দের নামের তালিকা পরিশিষ্ট-ক।

সভাপতি উপস্থিত সকলকে স্বাগত জানিয়ে সভার কাজ শুরু করেন। তিনি সভায় উপসচিব (আইন)-কে প্রস্তাবিত খসড়াটি নিয়ে আলোচনা করতে বলেন। উপসচিব (আইন) বিস্তারিতভাবে আলোচ্য খসড়াটি সম্পর্কে আলোকপাত করেন। তিনি গত ০২.০১.২০১৮ তারিখে মন্ত্রিপরিষদ বিভাগে অনুষ্ঠিত ‘আইনের খসড়ার উপর পরীক্ষা-নিরীক্ষা পূর্বক মতামত প্রদান সংক্রান্ত কমিটি’ এর ১ম সভার সুপারিশ সমূহ পড়ে শুনান।

০১। সভায় প্রস্তাবিত ‘জয়িতা ফাউন্ডেশন আইন, ২০২২’ (খসড়া) প্রণয়নের লক্ষ্যে অতিরিক্ত সচিব (উন্নয়ন) এ.কে.এম শামীম আক্তার; জয়িতা ফাউন্ডেশন এর পরিচালক-২ জনাব নিপুন কাস্তি বালা এবং উপসচিব (আইন) জনাব মোহাম্মদ ইয়ামিন খান আলোচনায় অংশগ্রহণ করেন এবং বিভিন্ন ধারা/উপধারা সংযোজন বিয়োজন ও পরিমার্জন প্রসঙ্গে মতামত প্রদান করেন। বিস্তারিত আলোচনা শেষে মন্ত্রিপরিষদ বিভাগের ‘পরীক্ষা-নিরীক্ষা পূর্বক মতামত প্রদান সংক্রান্ত কমিটি’-এর সুপারিশ মোতাবেক নিম্নবর্ণিত পরিবর্তন/পরিমার্জনে সিদ্ধান্ত/সুপারিশ গৃহীত হয়ঃ

সিদ্ধান্ত/সুপারিশঃ

- (১) ক) ‘জয়িতা ফাউন্ডেশন আইন, ২০২২’ (খসড়া)-এর Long Title পুনর্গঠন করা হয়;
খ) ধারা-১ এর শিরোনাম পরিবর্তন করা হয়;
গ) ধারা-২ বর্ণনাক্রমিক করা হয়েছে এবং ‘নির্ধারিত’, ‘জয়িতা ট্রেডমার্ক’ ও ‘জয়িতা ব্র্যান্ড’ এর সংজ্ঞা বাদ দেয়া হয়েছে। ‘কোম্পানি’ ও ‘নারী উদ্যোগী’ এর সংজ্ঞা পুনঃ সংজ্ঞায়িত করা হয়;
ঘ) ‘ফাউন্ডেশন প্রতিষ্ঠা’ সংক্রান্ত ধারাটি ‘পল্লী দারিদ্র্য বিমোচন ফাউন্ডেশন আইন, ১৯৯৯’ এর আলোকে সুপারিশ মোতাবেক পুনর্গঠন করা হয়েছে এবং নতুন প্রস্তাবিত ধারা-৫ তে ‘প্রধান কার্যালয়, ইত্যাদি’ শিরোনামে আলাদা ধারা সংযুক্ত করা হয়েছে;
ঙ) সুপারিশ মোতাবেক ধারা-৫, ৬ ও ৭ একত্রিত করে নতুন সংশোধিত প্রস্তাবে ধারা-৬ তে ‘ফাউন্ডেশনের কার্যাবলী’ শিরোনামে আলাদা ধারা করা হয়েছে;
চ) ধারা-৮ এর ১(ক) পুনর্গঠন করা হয়েছে। এখানে ‘উপমন্ত্রী’ শব্দটুকু বাদ দেয়া হয়েছে;
ছ) ধারা-৯ তে বর্ণিত ‘বোর্ডের কার্যপরিধি’ শিরোনামযুক্ত ধারা বাদ দেয়া হয়েছে;
জ) সুপারিশ মোতাবেক ধারা-১৫ পুনর্গঠন করা হয়েছে;
ঝ) সুপারিশ মোতাবেক ধারা-২১ পুনঃপরীক্ষা করা হয়েছে। এক্ষেত্রে ধারা-২২: ‘অপরাধ ও দণ্ড’, ধারা-২৩: ‘অপরাধ তদন্ত, বিচার ইত্যাদি’, ধারা-২৪: ‘অপরাধ বিচারার্থ গ্রহণ’ এবং ধারা-২৫: ‘অপরাধের আমলযোগ্যতা, জামিনযোগ্যতা ও আপোষযোগ্যতা’ শিরোনামে পৃথক ধারা সন্নিবেশ করার প্রস্তাব করা হয়েছে;
ঝঝ) ধারা-২৪ ও ২৪(২) পুনঃপরীক্ষা করা হয়েছে এবং সুপারিশ মোতাবেক নতুন প্রস্তাবে ধারা-২৮ তে নতুন ‘বিদ্যমান জয়িতা ফাউন্ডেশন এর পরিসম্পদ, ইত্যাদির হেফাজত’ শিরোনামে প্রস্তাবনা দেয়ার সুপারিশ করা হয়েছে;
ঝঝঝ) ‘পরিচালনা ও প্রশাসন’ এবং ‘নারী উদ্যোগী সৃষ্টি, ইত্যাদি’ শিরোনামে নতুন পৃথক ধারা যুক্ত করা হয়েছে।

এছাড়াও প্রস্তাবিত খসড়ায় বেশ কিছু জায়গায় উল্লেখযোগ্য পরিবর্তন/পরিমার্জন করা হয় এবং সুপারিশ আকারে গৃহীত হয়, যা নিম্নরূপঃ

- (২) ক) ধারা-২ তে সংজ্ঞায় (চ) ক্রমিকে ‘সরকার বলিতে মহিলা ও শিশু বিষয়ক মন্ত্রণালয়-কে বুঝাইবে’;
- খ) ধারা-৮ তে ‘পরিচালনা পর্যদ গঠন’ শিরোনামের অংশের (খ) দফায় সচিব শব্দের পরিবর্তে ‘সিনিয়র সচিব/সচিব’ শব্দ প্রতিস্থাপন করা হয়েছে এবং (ঘ) তে বাণিজ্য মন্ত্রণালয়ের প্রতিনিধি, (ঙ) তে শিল্প মন্ত্রণালয়ের প্রতিনিধি এবং (চ) তে শ্রম ও কর্মসংস্থান মন্ত্রণালয়ের প্রতিনিধি অন্তর্ভুক্ত করা হয়েছে;
- গ) ধারা-১০ তে ‘ব্যবস্থাপনা পরিচালক নিয়োগ, ইত্যাদি’ শিরোনাম অংশের (১) তে ‘পরিচালনা পর্যদ’ শব্দের পরিবর্তে ‘সরকার’ শব্দটি সংযুক্ত করা হয়;
- ঘ) ‘দায়মুক্তি’ শিরোনামে ধারাটি বাদ দেয়া হয়।

০৩। মন্ত্রপরিষদ বিভাগ এর ‘আইনের খসড়ার উপর পরীক্ষা-নিরীক্ষা পূর্বক মতামত প্রদান সংক্রান্ত কমিটি’ কর্তৃক প্রদত্ত সুপারিশ মোতাবেক এবং অন্ত কমিটি কর্তৃক যাচাই-বাছাই অন্তে এক সংশোধিত খসড়া (Correction Mode) তৈরী করা হয় যা পতাকা-‘ক’ তে রক্ষিত হলো এবং স্বচ্ছ সংশোধিত খসড়া পতাকা-‘খ’ তে রক্ষিত হলো, যা এ কার্যবিবরণীর অংশ হিসেবে গণ্য হবে।

০৪। অতঃপর সভায় আর কোন আলোচ্য বিষয় বা থাকায় সভাপতি উপস্থিত সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত/-

তারিখ- ১০.০২.২০২২

(মোঃ মুহিবুজ্জামান)

অতিরিক্ত সচিব (শিশু ও সমন্বয়)

ও

আহ্বায়ক

জয়তা ফাউন্ডেশন আইন, ২০২২ (খসড়া) প্রণয়ন

সম্পর্কিত আহ্বায়ক কমিটি

মহিলা ও শিশু বিষয়ক মন্ত্রণালয়

স্মারক নং-৩২.০০.০০০০.০৩৯.২২.১৮২.২১.২০

তারিখঃ ১৪.০২.২০২২ খ্রি:

বিতরণ (জেন্ট্যাতার ক্রমানুসারে নয়):-

১. অতিরিক্ত সচিব (শিশু ও সমন্বয়), মহিলা ও শিশু বিষয়ক মন্ত্রণালয়, ঢাকা।
২. অতিরিক্ত সচিব (উন্নয়ন), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
৩. পরিচালক-১, জয়তা ফাউন্ডেশন, ধানমন্ডি, ঢাকা।
৪. পরিচালক-২, জয়তা ফাউন্ডেশন, ধানমন্ডি, ঢাকা।
৫. উপসচিব (আইন), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
৬. উপসচিব (মিবিঅ-২), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
৭. প্রতিমন্ত্রী মহোদয়ের একান্ত সচিব, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা (মাননীয় প্রতিমন্ত্রী-কে সদয় অবগতির অনুরোধসহ)।
৮. সহকারী সচিব (আইন), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
৯. সচিব মহোদয়ের একান্ত সচিব, মহিলা ও শিশু বিষয়ক মন্ত্রণালয়, ঢাকা (সচিব মহোদয়-কে সদয় অবগতির অনুরোধসহ)।
১০. প্রোগ্রামার, মহিলা ও শিশু বিষয়ক মন্ত্রণালয়, ঢাকা (ওয়েবসাইটে প্রকাশের অনুরোধসহ)।


১৪.০২.২০২২
(মোঃ রেজাউল হক)
সহকারী সচিব